

# STJÓRNARTÍÐINDI B 105 – 1998

17. desember 1998

2189

Nr. 742

## REGLUGERÐ

### um breytingu á reglugerð nr. 391/1998, um skyldutryggingu lífeyrisréttinda og starfsemi lífeyrissjóða.

#### 1. gr.

Við 19. gr. bætist nýr málslíður sem orðast svo: Þegar um er að ræða lífeyrissjóð sem fellur undir 54. gr. laga nr. 129/1997, um skyldutryggingu lífeyrisréttinda og starfsemi lífeyrissjóða og lífeyrisréttindi miðast við kaupgjald skal þó heimilt að nota 3% vaxtaviðmiðun enda hafi sjóðfélögum verið gefinn kostur á aðild að nýju réttindakerfi fyrir 1. júlí 1998.

#### 2. gr.

Reglugerð þessi, sem sett er með stoð í lögum nr. 129/1997, um skyldutryggingu lífeyrisréttinda og starfsemi lífeyrissjóða öðlast þegar gildi.

*Fjármálaráðuneytinu, 17. desember 1998.*

F. h. r.

**Magnús Pétursson.**

*Áslaug Guðjónsdóttir.*

16. desember 1998

Nr. 743

## REGLUGERÐ

### fyrir séreignardeild Söfnunarsjóðs lífeyrisréttinda.

#### 1. gr.

Við Söfnunarsjóð lífeyrisréttinda skal starfrækt séreignardeild til móttöku viðbótar-  
iðgjalda. Hlutverk deildarinnar er að tryggja sjóðfélögum og erfingjum þeirra lífeyri  
samkvæmt ákvæðum reglugerðar þessarar.

#### 2. gr.

Félagar í deildinni geta allir þeir orðið sem greiða iðgjald til Söfnunarsjóðs lífeyris-  
réttinda og uppfylla skilyrði um lágmarkstryggingarvernd eins og hún er skilgreind að

lágmarki í lögum um starfsemi lífeyrissjóða. Jafnframt geta einstaklingar, sem skylt er, lögum samkvæmt, að greiða í aðra lífeyrissjóði, greitt viðbótargjald í séreignardeildina.

Þeir sem gerast vilja réttthafar skulu afhenda stjórn sjóðsins skriflegan samning um lífeyrissparnað og felst í honum yfirlýsing að þeir vilji hlíta samþykktum séreignardeildarinnar. Samningurinn skal gefinn út í tveimur eintökum, einu heldur réttthafi og hinu heldur deildin.

Framlag í séreignardeild gefur ekki rétt til stiga eða fyrirfram ákveðins lífeyris.

Færa skal sérreikning fyrir iðgjöld hvers réttthafa í séreignardeild.

Ávöxtun hvers sérreiknings skal vera tölulega hin sama og hrein ávöxtun deildarinnar, en við útreikning á hreinni ávöxtun skal rekstrarkostnaður deildarinnar umfram rekstrartekjur verið dreginn frá fjármunatekjum.

Reikna skal vexti þá, sem færast skulu á einstaka sérreikninga í árslok þannig, að vextir hvers sérreiknings séu reiknaðir af eign í ársbyrjun og af inn- og útborgunum á árinu í samræmi við hreina raunávöxtun deildarinnar.

### 3. gr.

Gerist einstaklingur réttthafi í séreignardeildinni, sem verið hefur réttthafi í öðrum lífeyrissjóði, er stjórn deildarinnar heimilt að taka við sem eingreiðslu því fé sem hann kann að fá útborgað úr þeim sjóði sem hann flyst úr.

Séreignardeildin skal senda út yfirlit til réttthafa a.m.k. einu sinni á ári yfir iðgjaldagreiðslur og innstæður þeirra. Hægt er að ákveða að senda út yfirlit oftar í samræmi við samþykktir stjórnar.

### 4. gr.

Fé það sem lagt er inn í nafni réttthafa skal vera séreign hans. Auk þess skal færa til eigna hjá hverjum réttthafa þær tekjur af vöxtum og verðbótum sem deildinni áskotnast vegna eignar hans í deildinni.

Nettótekjur deildarinnar skiptast milli réttthafa í hlutfalli við eign hvers um sig og færast árlega á sérreikning þeirra.

### 5. gr.

Þegar réttthafi er orðinn 60 ára er heimilt að hefja útborgun lífeyrissparnaðar og vaxta með jöfnum árlegum greiðslum, þó ekki á skemmri tíma en sjö árum eða á þeim tíma sem réttthafa vantar upp á 67 ára aldur.

Verði réttthafi öryrki og orkutapið sem hann verður fyrir er 100% á hann rétt á að fá lífeyrissparnað og vexti greidda út með jöfnum árlegum greiðslum á sjö árum. Nú er örorkuprósentan lægri en 100% og lækkar þá árleg útborgun í hlutfalli við lækkun örorkuprósentunnar og úttektartíminn lengist samsvarandi.

Deyi réttthafi áður en innstæða er að fullu greidd fellur hún til erfingja hans og skiptist milli þeirra eftir reglum erfðalaga.

1. Hlut barns undir 13 ára aldri ber að skipta með jöfnum greiðslum á þau ár sem vantar á að barnið nái 18 ára aldri. Hafi barn náð 13 ára aldri við andlát réttthafa skal hlutur þess greiddur út á fimm árum.
2. Hlut eftirlifandi maka ber að skipta með jöfnum greiðslum á sjö ár eða á þann tíma sem makann vantar á 67 ára aldur við andlát réttthafa.
3. Láti réttthafi ekki eftir sig maka eða barn rennur innstæðan til dánarbús án takmarkana skv. 2. msl. 2. mgr. 8. gr. laganna.

Með jöfnum greiðslum er hér átt við jafnar greiðslur að tiltölu við fjölda greiðsluára, þannig að sjóðfélagi fái á hverju ári þann hluta af innstæðu sinni, að meðtöldum tekjum vegna hennar, sem svarar tölu þeirra ára er eftir standa af endurgreiðsluáttum.

Ef innstæða er undir kr. 500.000 er stjórn deildarinnar heimilt að víkja frá ákvæðum þessarar greinar um endurgreiðslutíma og stytta hann. Skal viðmiðunarfjárhæðin breytast árlega í hlutfalli við breytingu á vísitölu neysluverðs miðað við grunnvísitölu 173,5 stig.

Rétthafa og viðtakanda greiðslu er heimilt að gera sérstakan samning um mánaðarlega útborgun tiltekinnar krónutölu, sem fylgja skal vísitölu neysluverðs. Samningur þessi getur, að hluta til eða öllu leyti verið til ákveðins tíma eða til æviloka rétthafa.

#### 6. gr.

Hægt er að segja samningi um lífeyrissparnað upp með sex mánaða fyrirvara. Tekur uppsögnin gildi um leið og rétthafi hefur tilkynnt hana til sjóðsins.

#### 7. gr.

Nú gerist sjóðfélagi, sjóðfélagi í öðrum lífeyrissjóði, sem starfar eftir reglum er fjármálaráðuneytið samþykkir og í samræmi við lög um starfsemi lífeyrissjóða, er þá stjórn sjóðsins heimilt að greiða alla inneign rétthafans í einu lagi. Það er skilyrði þess að greiða megi alla inneignina í einu lagi að hún gangi til kaupa á lífeyrisréttindum fyrir hlutaðeigandi rétthafa.

Endurgreiðslufjárhæðin er inneign sjóðfélaga að frádregnum kostnaði sem nemur 1% af inneign sjóðfélaga enda hafi hann greitt til deildarinnar skemur en 36 mánuði frá fyrstu innborgun.

#### 8. gr.

Eignir sjóðsins skal ávaxta í samræmi við 6. gr. laga sjóðsins og fjárfestingastefnu deildarinnar.

#### 9. gr.

Stjórn Söfnunarsjóðs lífeyrisréttinda skal jafnframt vera stjórn deildarinnar og fara með málefni hennar.

#### 10. gr.

Söfnunarsjóður lífeyrisréttinda annast daglegan rekstur séreignardeildarinnar samkvæmt 1. gr. laga um sjóðinn. Rekstur séreignardeildarinnar og ávöxtun iðgjalds skal aðskilinn fjárhagslega annarri starfsemi sjóðsins að öllu leyti.

Reikningsár séreignardeildarinnar skal vera almanaksárið.

#### 11. gr.

Óheimilt er að framselja eða veðsetja inneignir í séreignardeildinni, hvort heldur sem er heild eða hluta þeirra, svo sem einstakar útborganir.

#### 12. gr.

Vilji sjóðfélagi, eða erfingar hans, ekki hlíta úrskurði stjórnar um eitthvert atriði varðandi séreignardeildina getur hann, eða þeir, lagt málið fyrir gerðardóm. Sjóðfélagi skal þá tilkynna stjórn séreignardeildarinnar það bréflega innan mánaðar frá því að hann fékk úrskurð hennar og jafnframt skal hann tilnefna gerðardómsmann innan tveggja vikna. Þeir koma sér síðan saman um oddamann, en takist það ekki skal hann skipaður af bankaeftirlit Seðlabanka Íslands. Úrskurður gerðardóms er bindandi fyrir báða aðila og verður ekki skotið til almennra dómstóla.

13. gr.

Reglugerð þessi er sett með stoð í 8. og 21. gr. laga nr. 95/1980, um Söfnunarsjóð lífeyrisréttinda, með síðari breytingum og öðlast þegar gildi.

*Fjármálaráðuneytinu, 16. desember 1998.*

F. h. r.

**Indriði H. Þorláksson.**

---

*Áslaug Guðjónsdóttir.*

## AUGLÝSING

### um frestun á gildistöku ákvæða um losunar- og sjósetningarbúnað gúmmíbjörgunarbáta.

Samgönguráðuneytið hefur ákveðið að fresta gildistöku ákvæða um losunar- og sjósetningarbúnað gúmmíbjörgunarbáta samkvæmt 2.-5. tl. 7. gr. reglna nr. 189 frá 21. mars 1994 um björgunar- og öryggisbúnað íslenskra skipa, sbr. 3.-5. gr. reglna nr. 337 frá 2. maí 1997. Samgönguráðuneytið hefur enn fremur ákveðið að fresta gildistöku 6. og 7. gr. reglna nr. 337 frá 2. maí 1997 um breytingu á reglum nr. 189/1994 um björgunar- og öryggisbúnað íslenskra skipa.

Frestanir þessar gilda til 1. janúar 2000.

Auglýsing þessi, sem sett er samkvæmt lögum um eftirlit með skipum nr. 35 frá 30. apríl 1993, staðfestist hér með til að öðlast þegar gildi.

*Samgönguráðuneytinu, 10. desember 1998.*

**Halldór Blöndal.**

---

*Halldór S. Kristjánsson.*